

# FORUM ONG TIMOR LESTE THE TIMOR LESTE NGO FORUM



Rua do Mercado Municipal, Díli, Timor-Leste / Mobile Phone +670 77999304/ 77236782/ [forumong.tl@gmail.com](mailto:forumong.tl@gmail.com), [joaofreitas.fongtil@gmail.com](mailto:joaofreitas.fongtil@gmail.com)/ [www.fongtil.org](http://www.fongtil.org)

PRESS RELEASE – 22 Marsu 2020

Timor Leste la'ós ona estadu ne'ebé livre husi corona virus, ita povu Timor-Leste, ita Timor oan sira mós la livre ona husi epidemia virus corona, hafoin Ministériu Saúde Timor-Leste deteta no halo ona konfirmasaun públiku, katak iha Timor-Leste iha ona kazu ema nian 1 mak hetan infesaun husi corona virus no dala ruma número kazu sei aumenta bainhira ita lakohi apoiu malu atu luta kontra epidemia corona virus.

Ita hotu rekoñese katak, ita nia fasilidade, saúde, rekursu umanus limitadu los maibé, ita la presiza atu dun malu iha situasaun ida ne'e, no situasaun ida ne'e ezije Timor Oan hotu nia responsabilidade atu tau forsa hamutuk hodi luta hasoru epidemia corona virus iha ita nia rain.

Nune'e hakarak husu ba maluk Timor oan sira hotu:

1. Atu fó apoiu másimu ba servisu no esforsu Ministériu Saúde Timor Leste nian atu luta kontra epidemia corona virus tanba ita nia Ministériu Saúde ho ita nia Doutór no Parteira sira mak hatene liu atu ajuda ita prevene no kombate corona virus
2. Husu maluk Timor oan sira hotu-hotu, juventude no inan aman sira, comunidade sira hotu atu labele BOIKOTA desizaun Ministériu Saúde nian hodi estabelese fatin ba kuarentena, ba ita nia maluk sira ne'ebé deskonfia hetan ona infesaun hodi evita epidemia virus corona hada'et ba iha comunidade no hada'et ba ita nia a'an rasik
3. Husu ba maluk Timor oan sira hotu atu LALIKA HAKFODAK no LABELLE PANIKU ho ameasa husi epidemia virus corona, tanba PANIKU perigu liu VIRUS CORONA. Ho pániku no ta'uk ita sei la KUIDADU A'AN no LA KUIDADU ITA NIA FAMILIA
4. Husu ba maluk Timor oan sira ne'ebé mak foin fila husi rai li'ur atu voluntariamente hakbesik a'an ba sentru saúde atu ekipa servisu MS nian bele halo atendimentu ba ita karik ita hetan sintoma ruma husi virus corona
5. Husu ba comunidade atu hato'o lalais kedas keixa ba MS bainhira iha ita nia comunidade nia leet, ita nia viziñu balun mak foin mai husi rai li'ur maibé lakohi entrega a'an voluntariamente ba sentru saúde
6. Husu ba comunidade atu labele halo diskriminasaun ba ita nia maluk sira, Timor oan ka La'ós Timor ne'ebé deskonfia hetan infesaun husi Virus Corona tanba ita nia inimigu no mundu nia inimigu mak VIRUS CORONA, la'ós EMA
7. Husu ba Prezidente da Repúblika, Parlamentu Nasionál no ba Primeiru Ministru atu halo ona desizaun implementa Estadu Emerjénsia hodi bandu atividade hotu-hotu ne'ebé envolve ema barak nun'e bele kontribui ba prevene no evita corona virus hada'et husi ema ba ema.
8. Ami afirma ami nia apoiu la iha rezerva ba Ministériu Saúde Timor Leste, ba Ministra Saúde, ba DOUTOR no PARTEIRA sira hotu, organizasaun mundiál saúde ho ekipa Servisu SAUDE tomak atu kontinua, la para, servisu maka'as hodi hasees Timor oan sira husi epidemia virus corona

Nune'e, mai ita Timor oan hotu-hotu hamutuk, luta hasoru invazaun corona virus, liu husi ita nia UNIDADE IHA ASAUN no ita nia KOLETIVIDADE IHA INTERVENSAUN, ITA TENKE RONA MALU, konfia ita nia a'an no konfia ba ita nia ekipa servisu Ministériu Saúde nian, LA HAKFODAK no LA TAUUK, nafatin KALMA no KUIDADU A'AN

Sekretariadu FONGTIL 2020